

四庫全書

集部

欽定四庫全書

皇清文頴卷六十七

詩

五言律詩

扈從

聖駕南苑閱武應

制

馮溥

訓武乘農隙春蒐典制同甲開光吐日弓勁響隨風九

陞都俞切三門禮讓崇微臣叨侍從珥筆愧難工

秋日

瀛臺即事應

制二首

馮溥

芳湖當玉殿奏對芰荷香山色開朝爽花陰帶露涼微
風迎翠輦初日隱紅廊曳履蓬萊路賡歌興味長

待漏百花芳

君王問未央星辰催曙色鴛鴦接班行學士收封事詞

臣進講章遊魚時出聽雅製協宮商

廷試武進士閱卷即事

馮溥

拊髀旁求切遴尤

簡命申晴雲開殿陞英氣動星辰技是穿楊舊花知夢
筆新熊羆羅鳳闕不待屬車塵

閭闔雲霄迥英雄奏對來丹書原佐命武庫舊奇才
首雕弧勁螭頭彤管開

天顏應有喜絕足羨龍媒

武闡對雨

梁清標

秋堂涵澹色危坐雨牕孤丹闕風雲集青天鶴鶴呼行
間思衛霍紙上校孫吳俎豆儒臣事何能佐

廟謨

海內論兵日中朝拊髀年魚龍喧午夜雕鶚起秋天閣
照青藜火書繙黃石編球琳與竹箭願貢

鳳樓前

賜宴西苑恭紀

張英

離宮烟浦外幽賞

禁垣西瑤島孤峰秀華林萬樹齊水生楊柳岸春滿杏
花蹊不覺怡情久仙源到易迷

水亭浮畫棟高敞若凌虛雲影搖珠箔天光動綺䟽藥
欄棲皓鶴石瀨戲文魚

聖主揮絃處薰風化日舒

講筵紀事

陳廷敬

崇政經帷秘延英玉陛高聲容肅中禁寵渥厚詞曹

天語開黃卷乾文上彩毫萬言親講誦或恐

聖躬勞

燕寢羅緡帙高居

御氣清泰階懸朗照乾象法時行燎火千門望詩書五
夜情未央常待旦求理為蒼生

早朝即事

陳廷敬

遠坊鷄未唱疲馬夜行遲漏點催金鑰珂聲動玉墀朝
班存近侍官職在文辭正喜勤封事

君王召對時

天壇齋宿候

駕恭述

王士正

穹宇中宵啟齋心上日虔星河明泰時燎火動甘泉

紫禁傳清漏青松覆

御烟行宮空拜望不數漢皇年

康熙十年二月二十八日蒙

召入

弘德殿出西伯求賢圖

命題賦五言近體應

制

沈荃

白髮垂綸叟丹書佐命臣
風雲寧預料魚水自相親
駐馬高林晚揚旗碧甸春
慙勤後車意曠代有同倫

瀛臺侍宴泛舟賞荷應

制四首

葉方藹

夏后璿臺上周王瑤水前何如逢

聖主開宴集羣賢雲壑真丹地冠簪儼列仙千秋傳盛
事光耀史臣編

御座霞為幄花林玉作臺更無凡迹到只許近臣來
穆依天表光榮浹上台太平欣正永長日得追陪

詔許仙舟泛人行一鏡中象從河漢接氣與斗牛通
蓼翻輕影鳬鷺接遠空朝宗皆到海心共百川通

光風動水際異采發華滋翠蓋亭亭立紅衣冉冉清
波輕泛鷺密葉暗藏龜微物生多幸終年荷

聖慈

南巡聖德詩六首

韓 炎

聖德時巡運嬋媽龍起年諸侯虞王帛四載禹山川日
御方從震雲行總象乾東南何厚幸次第澤敷天

築舍臣三策憂民予一人歷巡堯甲子廷少夏庚辰立
馬龍龕窟停餐風雨晨湍波泥滑滑寧識

聖躬親

書聖推

今聖多能聖又該
戈從神武運畫自帝義來麗藻中天
迴榮光萬象開沾

恩揮落處字字篤羣材

農事省春深村村桑柘陰
鳥催秋後玉花發馬頭金早
麥迎風浪初秧待雨鍼
幾章幽雅頌四語見天心

花幡迎十字寶炬列千門敢越

官家禁聊酬天地恩
旌旗聞北指信宿戀南轅幸

賜如湯沐年年奉

至尊

江心天挿寺高矚俯神州海湧三千界雲重十二樓百
靈趨黼帳御氣滿珠邱莫大文章在

龍書最上頭

冬日

駕幸南苑恭紀二首

王鴻緒

禁籞期門發戈鋌散曙暉三驅橫獵陣七校合行圍碧
漢星鵬健香巖月兔肥

君王巡幸地巖谷滿光輝

馳道黃金埒離宮白玉扉
兕裘千隊列毳帳五雲依
田犬銜鈴去銀虋帶箭飛
始知冰雪候

靈囿自芳菲

上步禱

天壇甘霖立霈恭紀二首

王鴻緒

甘雨

皇心切

園丘禮太清省刑寬赤縣虔禱答蒼生
曉日沈芳甸濃陰繞翠旌自

天膏澤渥真傍六龍行

至德穹蒼應油然萬嶺雲升壇繞靄靄
潤葉已紛紛絲散

天衣濕烟含野穗分豐登瞻

帝力擊壤九衢聞

五月初九日

賜遊暢春園觀荷花復

命中官同泛舟遊覽畢

賜宴兼

賜千葉荷花一瓶恭紀八首

王鴻緒

內直依天苑薰和殿閣風日陪丹禁裏身在碧霄中嶺
樹遙分翠池荷映曉紅忽聞傳召入聯珮接芳叢

西嶺千重水流成裂帛湖分支歸

御苑隨景結蓬壺玉螭凌波迥瑤臺入漢孤上林曾有

賦於此見真圖

秘閣臨流峻花磯就澗低荷呈千瓣艷葉覆一池齊舞
蜨知香戀遊魚咬翠迷曠觀天上景自有若邪溪

湖映千林綠山圍一苑青花間開鳳閣樹杪出龍亭香
氣無邊散鶯聲不斷聽更看幽絕處漁網掛烟汀

既歷芳巖勝中璫引畫船烟波青鏡濶楊柳碧絲懸朱
鷺晴遵渚金鱗晝躍川蘭橈經百轉何境不棲仙

翠巘依雕檻銀塘敞玳筵接茵同畫卜式燕自天傳酒

借波光綠看含花色妍今朝風景好喜荷

渥恩偏

上苑芙蕖種塵寰眼未經艷姿何灼灼密辦自亭亭折
取從靈沼分頒貯寶瓶拜

恩瑤碾下光采耀仙局

堯舜雍熙世生為侍從臣言聽熏瑟奏來賞芰荷辰重
綠全迎夏殷紅半奪春看花能到此蓬島復何論

聖駕南巡恭紀四首

徐潮

聖代時巡重欣逢熙皞年寒輕猶

北闕春迥已南天仗入江雲遠旌連海日懸萬民齊引
領羅拜

翠華前

飛輓供京國長河捲素濤地官難作計

天步不辭勞刊滌踪非遠平成績並高江鄉好安枕

睿鑒悉秋毫

初日照江城城邊鼓吹迎何知

九重遠真見六龍行結隊疑山勢羣呼作海聲翻勞
聖天子愛惜到歌傾

問俗崇淳古遙聞

誥誠嚴

君王先尚儉長吏敢忘廉舊習風斯變豐年瑞屢占從
茲比戶慶藏富在茅檐

賦得淡日非雲影

徐元夢

秋空移白日淡漠不關雲寂寂當軒照霏霏隔樹曛何

須驚彩暈早已絕塵氛自愧瞻堯久拘墟滯見聞

春風限韵

徐元夢

拂地初融凍沁溪乍解漸徘徊千樹底蘊藉百花時慣
逐陰晴變頻兼雨露垂自然生意好披對滌煩思

春雨次前韵

徐元夢

春雲生沼上細雨點流澌隱隱紅滋處鱗鱗綠起時璫
膏隨地布珠顆滿林垂播種農夫慶因知慰

聖思

賦得雪夜書千卷

徐元夢

窻白生寒久燈明散帙初幽情參六出清味在三餘鹽
絮知誰詠丹黃祇自如夜深渾不寐水月浸吾廬

塞外曉行

徐元夢

野宿何曾穩中宵趁伴行馬蹄隨月影人語亂溪聲草
露沾衣濕山雲繞徑生地幽饒景象容易逗詩情

扈從

駕幸五臺恭紀

成德

杳杳丹梯上迢迢

翠輦迴慈雲籠戶牖佛日現樓臺珠樹參天合金蓮布

地開

金蓮花惟山中
有此種

共傳

天子孝親侍

兩宮來

西苑入直

成德

望裏蓬瀛近行來閨苑齊晴霞開碧沼落月隱金隄葉
密鶯先覺花繁徑不迷笙歌迴

輦處長在鳳城西

景山

成德

雪裏瑤華島雲端白玉京削成千仞勢高出九重城繡
陌迴環繞紅樓宛轉迎近天多雨露草木每先榮

蕉園

成德

見說齋壇閔前朝太乙祠鶯邊花樹樹燕外柳絲絲宮
籞人稀到辭臣例許窺今朝陪豹尾新長萬年枝
賜宴西苑恭紀二首

高士奇

亭榭水雲隈
軒楹面面開
地疑圓嶠近
人自玉墀來
駕鳳雕甍出
䟽龍磴道回
賦成慚庾信
忝竊侍臣才

遠勝東堂會

晉太和六年命羣臣東堂臨流小會

何殊曲水遊

顏延之有三日賜讌

曲水賦詩序

早鶯啼太液
芳樹遶瀛洲
北接層霄峻
南臨萬

堞浮此中涵

帝澤端愧濟川舟

渡渾河

高士奇

浩淼看無盡
滄波滾滾來
浮橋齊渡馬
大地不生埃
勢

接黃圖壯流從碧漢迴尋源雖有志終忝漢臣才

登戒壇

高士奇

絕巘橫初地鳴鑾曲徑通旌旄分遠近樓閣倚虛空壇
靜山松冷巖深野卉紅遊巡重農事偶陟梵王宮

恭和

聖製賦金蓮花韵

勵杜訥

在昔隨

仙蹕金英燦碧谿名雖同菡萏根不染汙泥移植來清

殿深恩荷

御題園林凡卉滿難與此花齊

恩賜禁中騎馬

朱彝尊

魚鑰千門啟

龍樓一道通趨翔人不易行步馬偏工鞭拂宮鴉影衣
香苑柳風薄遊思賤日足繭萬山中

壬戌除日

保和殿侍宴

朱彝尊

珮結緋魚後樽開白獸先呈能勾樂隊密坐潤爐烟紫
路頻除夕青燈異往年誰當頌椒會猶侍

聖人前

癸亥元日

賜宴太和門

朱彝尊

垂衣逢盛際輯玉盡來庭白醞三光酒青歸一葉蓂新
年恩較渥昨日醉初醒九奏

鈞天曲風飄次第聽

皇仁綏遠詩四首

朱彝尊

雁路緣沙磧魚雲接慢城鳴

鑾七校從吹葢六軍行俗本通鞮譯人今息戰爭紛紛
攜老稚遙望屬車塵

納款陳千帳班

朝式九圍不圖瞻

日角轉自懾

天威重馬駝金索茸裘換錦衣早知

恩賚渥慕義久先歸

錫讌原殊禮官庖出上方自來鹽穀少初得旨甘嘗位
近周青馬詩題漢白狼遠人何所報齊奉萬年觴

羽衛三千士龍媒十二閑揚旗平似水布陣屹如山膽
已寒蕃部歡仍啟

聖顏始知師以律悔恃七旗孱

皇清文頴卷六十七

欽定四庫全書

皇清文頴卷六十八

詩

五言律詩

平滇詩

嚴繩孫

昭代當熙洽

天王本聖神
車書山海共
玉帛歲時新
城角軍麾偃
宮花輦路春
兩階干羽日
端拱見

皇仁

聖治方韜甲天心未厭兵賊臣真負主大將且專征鷹隼乘風疾鯨鯢失浪輕家家春酒熟從此賀昇平

六詔南交地昆明控百蠻天連花馬國山擁碧鷄關雨露知新澤瘡痍動

聖顏

詔書憐父老扶杖淚痕斑

萬里瞿塘峽天清戰鼓聞久知蹂躪苦應待撫綏勤波

靜珠江水風開玉壘雲今朝諭蜀檄不用長卿文

海國驚妖霧南閩結蜃樓豺狼方濟惡猿鶴自同仇飛
檄榕陰暗歸鞍荔子秋水水晶宮外路依舊月如鉤

隴坂高無際函關百二雄陣開秦嶺北烽舉杜陵東方
畧尊

皇極安危倚上公

九重初飲至一為奏彤弓

老弱愁供億丁男問轉輸

帝憂民力瘁人樂

主恩殊湯火羣黎急雲霓我

后蘇功成知

廟勝千古奉黃圖

俯仰乾坤大平成覆載寬

紫宸朝萬國青瑣拜千官

賜酒霞觴重陳詩露掌寒

天顏時有喜數近

御屏看

恭讀

御製咏金蓮花詩

限八齊韻

沈 涵

靈種關山北瑤華

禁苑西翻階雲葉吐拂檻露枝低濯秀疑臨水含香不

染泥一經

宸翰賞凡卉邈難齊

恭讀

御製懋勤殿讀尚書無逸篇有作限五微韻

沈 涵

金殿昭皇極琅函啓

禁闈書陳元聖訓念切小民依

睿藻傳心遠

天章闡道微姬年綿八百今日倍光輝

恭讀

御製咏觀天儀器詩限九佳韻

沈 涵

寶算開昌運璇圖愜

睿懷八風調舜瑟五緯燦堯階
蓮漏雞人報葭吹鳳律
諧

宸章垂象處奎壁朗天街

端午日應

制

沈三曾

令節開重午薰風拂九門
研朱羣瑞集結艾百靈尊向
日榴花艷飛香蒲酒溫芳蘭
何必貯沐浴有

深恩

丹宸正當陽天中節序昌
虎符懸藻綵龍鏡照輝光
宮扇和風動仙葵

上苑芳不勞施色線化日自舒長

望西山

吳晟

山瀉瓊池勝披圖按水經
洞名疑小有泉品類中泠
縹緲朝烟白微茫晚岫青
涓涓通太液終古赴滄溟

農蠶雜詩二首

陳元龍

禹貢聞收秭幽風重築場人逢豐歲健田比去年穰白
粳連倉積紅鮮出甑香日斜桑柘影簫鼓賽神忙

右收穫

柔軟生香細纏綿引緒長齊紈輸沁雪吳紵愧含霜盆
手盤銀縷縲車曳練光時清崇潔白為詠素絲章

右縲絲

賦得清如玉壺冰

陳元龍

洞徹疑無質晶瑩自有真虛明能鑒物貞潔不生塵寒

色交相映清姿可共珍當筵能避暑表裏見璘珣

賦得靜有圖史樂

陳元龍

長夏欣無事開筵見性原觀圖窮象繫讀史慕義軒嘉
樹陰常滿幽禽語不喧悠然千載上得意已忘言

賦得窻戶貯清陰

陳元龍

夏木窻前繞重重蓋遠張展書浮翠影拂硯借清光有
日簾常捲無風座已涼寸陰須寶惜聖誠豈容忘

賦得閒看玉表驗分差

陳元龍

銅律曾先辨葭灰莫暗吹占時分晷刻測景計毫釐消
息閒中見虛盈靜裏知分明堯典在敬授有成規

萬壽詩

徐元正

堯年多化日禹甸告成功肆赦民無訟蠲租歲屢豐物
遊春澤內人在太和中解慍還興念琴揮五月風

治同天有象

德與壽無垠五色芝為飯三山甕是銀神僊呈秘笈佛
日輦金輪

帝謂無須爾予懷在萬民

臣獻無疆頌民歌極樂天行田觀刈麥過市聽摩肩樵
牧隨

鑾後茶瓜供

御前龐眉齊賜予人比地行僊

九重陳瑞玉南極見星辰

紫殿千門曉黃圖萬里春
颺言皆舜牧酌斗是幽民
滿
泛長春酒嵩呼祝

聖人

洗桐

謝陳常

竦榦凌霄迥銀瓶汲井深
洗時翻瘦影高處得清陰
露葉香雲濕霜根碧玉沉
風來傳遠韻永晝和微吟

聖德省方詩

劉 涌

玉燭泰階平同文海甸清

九重天蓋覆萬里日昭明

紫禁求民瘼蒼生軫

欽定四庫全書



皇清文韻
卷六十八

睿情省方虞典重時令及春行

輸輓由河運千夫版築工頻年勞物力何日覩成功堤
堰高低處淮黃遠近中要須

親閱視未暇息

予躬

濱水淮揚地飛鴻集野田

天心深豈弟

帝澤為矜全普散千倉米平添萬竈烟茅簷蓬戶外稽

首望星旂

虎衛乘春發

龍舟進纜徐兒童瞻

翠葢父老近

鑾輿笛鼓喧村社桑麻翳草廬採風聞擊壤應得

聖情舒

豐澤園

御試紀

恩詩

劉坤

路入蓬壺迥波連太液深許乘青雀舫遠眺碧雲岑翠
黛含朝旭烟嵐帶夕陰風來曲院裏時聽有虞琴
亦有條桑地霜栽擁岸沙枝長萬戶映葉密一村遮雲
綠鋪蠶薄風清響緯車

宸遊頻泣止杼柚念田家

紫陌判西東飛泉百道通浮青萍貼水搖翠稻翻風靜
念三時順遙期四海同休徵知有應太史卜年豐

況復含哺衆郊原于耜勞

皇情時繾綣農務悉纖毫祇覺耕烟近那知桂館高端
居時極目風雨軫蓬蒿

聖駕南巡恭紀四首

查嗣韓

青韶開鳳歷

紫極駕龍驂天指星辰北春隨鹵簿南鳴鑾風乍暖灑
道雨初甘佳氣旌旂外羣山擁翠嵐

地勢東南下河身西北高不須沉璧馬已見奠金鰲屹

底中流柱狂迴大海濤平成經

睿慮親歷不辭勞

燈火船船月笙歌岸岸樓鶯聲連紫陌花氣護芳洲戶

有昇平樂車因父老留山呼齊拜舞長願奉

宸遊

安瀾思禹德底績頌

皇功今古神謨合乾坤奠麗同崇山輝

鳳藻遺殿鎮蛟宮無事勤疏鑿朝宗萬派東

村居雜詩二首

劉灝

歷歷皆茆屋相依谷口傍
人稀村路細野迥水田長
巖落千尋瀑墻圍百本桑
風來春社後處處稻花香

野岸長堤曲高林一徑通
魚翻荷蓋露蟬噪柳塘風
山色牛羊外人家秫豆中
更堪圖畫處向晚雨濛濛

皇帝北征大捷凱旋恭紀有序

汪倌

臣聞王者五兵之制乃用四征
聖人一怒之威遂安六服
是以青邱丹浦亦載陳師
觀扈姚邳嘗聞

誓衆頌歌殷武著載旆於三年雅誦周宣美出車
於六月師非得已皆出有名罰必恭行自然無敵
我

皇上之御宇也躬有為之畧運無心之化四方無拂戴
至德以如天萬國攸同効歡聲而動地堯封赤壤
版載職方禹貢白狼圖陳王會柳室氍裘之長知
北面以來王雕題鑿齒之區驗東風而受吏然而
物衆地大雖在葢函殘孽餘萌猶留伏莽蠢茲厄

魯特噶爾丹者肆其蜂蠆之毒逞彼螳螂之智稱
雄馬上天作穹廬竄跡草間人惟鬼蜮讐其唇齒
之國莫挫凶鋒辜我卵翼之恩尚延餘息阻兵三
載蔑視諸蕃是用

九重赫然奮武選烝徒而禡祭諏吉日以視師

天斷不疑借箸無煩於力牧神符多算揮戈必抵於先
零遂乃健卒長驅銳師深入臨邊

天子新開細柳之營出塞將軍並過連錢之騎馬頭新

月勢學彎弓帳外飛霜光浮淬劍渡北鞬而飲馬
登稽落以祠神於是川澤効靈天人助順泉飛若
醴湧滴漑之神漿草茁如薺闢芊綿之翠色連營
虎旅悉感投醪屬國烏孫俱供捫酒前鋒既突指
天山以合圍後隊仍馳斬樓蘭而報命神鎗子母
電擊雷轟獸盾縱橫雲移月合遂使小醜倉皇望
天戈而膽落羣凶錯愕遇突騎以覓驚方一戰而穴蟻
皆逃不再鼓而城狐悉竄焚巢鳥雀望斷長林日

暮牛羊曾無歸路猶欲孑身北徙妄冀偷生不知
還我西師果然走死天外之烽烟突起塵中之蜀
幕皆空裂月氏於馬前繫名王於帳下降俘塞路
骨載專車獻馘盈邱臍然原野寘顏山下已令不
返隻輪趙信城邊正見齊呼

萬歲神輸秘計豈敵

聖謀天授英姿方成

廟略真同一月之捷書直邁七旬之文德春城楊柳去

日迎

鑾邊笛梅花來時入唱從此陰山諾水俱瞻

天子之光華馬邑龍城咸沐

皇朝之雨露朱干載戢並賀軒臺金甲俱銷還成農器

此八荒之所拜舞而九有之所懽忻者也臣倖謬

叨詞館未奉戎行提抱於翰墨之場猶慚橫草執

戟於詩書之府敢謂褰旗忻聞勒石於燕然喜見

銘功於瀚海白魚朱鷺思賡振旅之歌石鼓金笳

願繼平戎之曲祇申雀躍竊效蟲吟覩五色之卿
雲常瞻神瑞祝萬年之寶祚共慶昇平恭賦五言
拜手以獻

玉陛來陳事彤庭為請留有征知獨斷無敵本神謀春
暖開

行殿晴陽拂綵旂遠追軒后烈涿鹿斬蚩尤

內廐龍媒躍連營虎士趨

帝真勞一怒

王自用三驅儼列雲臺仗無煩竹使符
禡牙還禱馬

禁旅出天衢

萬象依

宸極三靈護壁門風雷

天子令雨露

聖人恩塞外龍蛇起軍中虎豹屯
賜衣新挾纊寒谷見春溫

燁赫軍容整趨騰士氣揚
白旄麾上將朱組繫降王堦

障寒收柝櫓
夜落芒外蕃
齊拜舞

天策靖龍荒

露布傳三捷
班師計七旬
芙蓉迎小隊
楊柳憶歸人
天際朱旗色
雲中紫塞春
丹青憑好手
圖取獻

楓宸

迢遞榆關路
飛揚

翠蓋飄雅歌
賡杖杜饒吹
雜笳簫刁斗
窮荒靜烽烟
絕域銷

君王自神武休問漢嫖姚

往者軍符急端資

廟略神指揮收嶺粵滌蕩撫巴秦金甲為農器巢車息
戰塵漠南重一舉剪逆為安民



皇清文穎卷六十八

欽定四庫全書

集部

皇清文頴卷

六十九至
七十一

詳校官檢討

臣朱依昊

主事銜

臣徐以坤覆勘

覆校官中書

臣田尹衡

校對官中書

臣王彝憲

謄錄監生

臣姚希慶

欽定四庫全書

皇清文韻卷六十九

詩

五言律詩

恩賜御書詩扇和家學士

夸岱

遙念頒宮扇

君恩正及時炎涼隨手變
寵渥但心知月展庖羲畫
風生犬舜詩應憐披拂好
秋意尚遲遲

大凌河應

制

夸岱

大凌河上水猶自起悲聲曾以三千衆來摧百萬兵

明洪

承疇統十三萬兵號百萬破於此地指揮欽

聖畧駕馭盡羣英吾祖擒明將奇勲一箭成

南苑晚雪應

制

法海

文園停

鑾日同雲簇暮天銀花符瑞臘玉粒兆豐年

睿藻歌宜麥天心重力田由來勤恤意憂樂萬民先

從

幸揚州天寧寺應

制

法海

彩仗臨仙梵香帆引鳳舸由來竹自好況復雨中過春

日鶯花盛詩人禪衲多扈遊分賦日天籟發高歌

聖駕南巡閱河省方布德詩四首

陳璋

仙仗出神京春風拂旆旌河水正月泮
輦路百花迎下采臣工議遙知父老情

恩膏萬方洽先到闔閭城

黃河天上落淮水地中分雪浪翻紅日風濤卷白雲
疇咨堯慮切荒度禹功勤萬世平成績安瀾荷

聖君

帝燭窮簷隱真同日月高繹騷防吏卒供億恤秋毫
天語聞塵市民情望羽旄官箴須共恪莫負

聖心勞

舊日繁華俗甄陶藉化工服疇敦本計師儉返淳風
聖德如天大陽春與物同九州齊擊壤

帝力洵無窮

恭擬初夏新晴較射

汪士鋐

較射及新晴風清畫鼓聲弼雲近日麗的暈入花明飲
羽三聯妙鳴弓疊中驚

聖朝方教讓決拾敢誰爭

春日侍直

暢春園卽事四首

張廷玉

侍值蓬山側春光又一年
綠蕪酣宿雨紅杏破輕烟
燕羽穿簾幕禽聲答管絃
攤書忘晝永鐘漏隔花傳
靈臺風物好和氣自成春
在藻魚吹浪銜芝鹿近人
繁花迎翠輦芳草藉雕輪
最愛尋芳蝶蹁躚趣釣綸
錦石橋邊路簪毫日日過
柳陰春水曲花外暮山多
雨洗檀欒竹風流窈窕蘿
銀河天上瀉下界沐宏波

閨堦容小立露草有餘芬松影團成幄花光散作雲遠
霞高處見清籟靜中聞徙倚牕前石衣沾紫蘚紋

乾隆三年

聖主躬耕藉田詩六首

有序

張廷玉

欽惟我

皇上

治應璇圖

功調玉燭

紹重熙之統緒

昭廣運之精神學耨仁耕法乾行而不息春生夏長
符厚載以無疆

德意滂流

恩膏淪浹萬方在宥彌深宵旰之憂勤六府孔修惟冀
雨暘之時若

頒來綸綍疇咨何啻於再三

賜出金錢賑恤已逾於萬億薄海戴解推之德敷天蒙

樂育之休猶復

厓念田功經心穡事卜上辛而祈穀諏吉亥以

躬耕常伯陳儀甸師贊事爐烟夜泛方迴扇影於

齋宮漏箭晨催蚤聽

鑾鳴於

御路和風卷旆林霽光浮澍雨隨車土膏脉起千官劍

珮掩映於烟村露野之間七校驂騶蹀躞於麥隴

桑畦之畔言循紫陌載

泣青壇修祀事於先農致齋心於后稷香飄寶篆瞻淑
氣之氤氲樂按雲琅聽仙音之縹緲潔粢盛而告
脩神降康年陳酒醴以居歆

帝膺福祉遂乃更衣大次秉耒中田服蒼牯以遄來隨
紺轅而遞進杏花旖旎遍拂

珠旒莒葉紛敷親承

玉趾青箱啓處播嘉種以蕃昌黛耜移時敷上腴之

沃衍

皇心無已數寧限於三推禮制有經功更勤於一墣爰
停縹軛旋

陟丹臺觀禹甸之昀昀樂周原之膺膺載芟載柞公卿
班爵以服疇曰畚曰耒兆庶赴功而終畝恍見烟
蓑雨笠繪無逸以成圖如親蔀屋茅簷譜豳風而
入頌

宸衷用豫衆志咸孚乃瞻

北闕以言旋猶顧東郊而在目青圻赤壤均沾

帝澤無私白叟黃童共識

天顏有喜自此膏流

御廩屢豐占婦子之寧行看粟滿神倉

繁祉錫曾孫之嘏臣廷玉情深望歲功愧爲霖授耒

當年親睹艱難之業扶輪此日欣瞻繼述之隆敬
獻蕪詞用揚休美五日風十日雨長符有道之

昌期千斯倉萬斯箱永卜太平之

景運詩曰

宣室勤民事春郊駕

六龍占辰周太史撰器漢司農翠幕連雲布青壇列
陛重下方頻送喜耕鑿盡

堯封

給復頻年

詔敷天雨露滋農方儲九稔

帝更念三時警蹕傳宮正催耕掌甸師紺轅行漸近春
意滿東畱

縹緲雲韶曲朱衣引就班公卿隨

鳳蓋父老拜

龍顏繡壤扶犁去芳疇布種還太和彌宇宙

宵旰尚思艱

瑞雨飄林際千邨極望同西山嵐翠合南畝土膏融笠
影秧田水歌聲柳岸風

皇情多悅豫秀麥倍青蔥

終畝方

旋旆如繩砥道平草痕抽紺甲禽語轉蒼庚

帝德崇無逸

天心鑒至誠雨暘看應候歲歲咏坻京

勞酒先霑

賜觴行近

御筵調羹慚燮理珥筆承宣世已登三五人忻取十
千願將神保惠敷錫遍垓垓

恭和

御製咏竹元韻

鄂爾泰

萬竿蔽千畝深翠纈繁陰自有鳳鸞集曾無苔蘚侵虛
中涵妙理疎節動高吟日月移寒暑終年祇此心

敬和

御製六月十八日初霽恭侍

皇太后園中遊賞元韻

鄂爾泰

蘭殿

慈暉永龍池霽景多

一人崇色養六月紀歡歌花笑鳥爭舞荷香魚戲過驪
珠四十顆手捧樂云何

熱河紀事八首

勵廷儀

蜿蜒環翠嶺高下建

宮垣拱極千山伏朝宗萬壑尊邊陲天廣大民物日孳
蕃總被陽和澤冬泉水自溫

地占佳山水

離宮闢一隅花繁憐溜暖穀稔喜田腴

宵旰只民事官曹必汝俞孰云萬方遠呼吸念肥癯

風土敦龐地天教界兩京湖山據勝景圖續錫嘉名花
比蜀中錦禽欺隴上鸚幾回登島嶼不復羨崑瀛

好景

帝開先從遊踰十年鹿鳴窺舞鶴魚躍狎飛鳶船舫迴
蘭棹驂騶立錦韉會邀

天一盼萬象解登仙

屋斜無定向隨意築林邱城市千峯逼山村萬井稠有

居仍逆旅無客是閒遊伏暑崇朝雨淒然敵九秋

清切依

山殿弘文啓別廬溪雲霑硯席巖翠滴衣裾旣愜烟霞
性重棲鸞鳳居自慚還自喜故舊得應徐

數來山厭熟屢僦愛居新

行闕羅英彥晨星數舊臣合圍窺苑樹刺眼嘆花身珥
筆人垂老重番扈

北巡

雲歸山雨足風泛藥苗香
退食從容後時鮮次第嘗
南榮施翠箔北戶展書牀
一卷真消受翛然六月涼

恩賜砥石山綠硯一方

勵廷儀

良硯頒詞館殊榮滿藝林
雅能隨珥筆時復伴清吟
管潤神逾靜光凝涅不侵
千秋資利用從此礪臣心

萬壽詩六首

蔣廷錫

帝德超千古斯文邁百王
典謨同

睿製雲漢仰

宸章麗日輝堯殿薰風集舜廊萬年調玉燭擊壤咏時康

覆載同天地

皇心本至公法寬皆樂土租免屢年豐戶戶陽春裡人
人化日中

聖恩無以報三祝效呼嵩

上苑鶯啼日宮墻柳綠時燭花翻壽字階草結神芝北
闕迎仙馭南山進玉卮祥雲開雉扇端拱美無爲

初日曛曛曉龍樓曙色開景星明北極紫氣滿東來玉帛陳闔闔冠裳列上台萬方齊拜舞歡忭動春雷

春色蓬萊闕金爐起瑞烟瑤光十四月椿樹八千年舞鳳歌瓊席輕花拂

御筵從臣皆飲德相與醉鈞天

聖代禎祥集山川報太平碧桃迎日艷垂柳颺波晴紫霧金門竊紅雲玉殿明無疆歌

萬壽功德大難名

恭和

聖製初夏新晴較射

蔣廷錫

綠草射場平
西山乍雨晴
角弓開月影
飛羽勁風聲
手敏頻穿鵠
心和不失正
雍容揖讓意
觀德協

皇情

湯泉

蔣廷錫

白石丹砂水
延年並菊泉
陽從天性發
暖得地功全
氣蘊千山雨
膏流萬頃田
湯盤有述作

聖德日乾乾

恩頒

御苑各色牡丹敬讀

聖製恭賦

蔣廷錫

選取名花種移將

御苑栽萬枝雲錦合五色畫屏開深淺隨風見高低映月來

皇情吟咏處草木感

恩培

聖壽萬年詩八首

查慎行

瑞靄凝

丹陛祥烟護

紫宸萬年三月節四海一家春禮樂調元化謳歌屬

聖人敷天多望

幸特爲舉時巡

睿慮周遐邇

皇猷冠古今堯堦三尺土舜樂五絃琴

德自重熙洽

恩因壽愷深萬方均雨露造物本無心

見說山東叟欣觀德化成蠲租憐歲儉賜粟惠春耕不
息天行健無私帝好生活人踰百萬軫卹荷

皇情

翠岫三千丈崔嵬上岱宗金泥除漢策玉檢陋秦封旂
拂天門樹雲開日觀峯仙山留五老擁蓋候

飛龍

川岳懷柔後乾坤奠麗中安流歸

聖算平土奏

神功桑柘連村遠來牟接畛同不教傳警蹕到處聽呼
嵩

一覽江天濶長流

聖澤深晴霞開海面塔火照波心

御墨蛟龍勢仙韶鸞鶴音扶桑占喜氣來往快登臨

千頃玻璃色重爲

明聖開

奎章懸日月

睿藻煥樓臺
桃柳乘時放
烟波拂棹來
湖山真有幸
直似小蓬萊

秦淮民望切
歸路又重經
二水春波綠
三山爽氣香
烟迎不斷

翠輦過還停
愛戴心如一
爭看萬壽屏

五月五日侍直

暢春園蒙

恩賜餽恭紀二首

錢名世

榴火朱明節蓬山紫府天膏分

仙鼎味香帶

御厨烟蒸暑消清籞

恩波湛玉泉侍臣俱飽德異數一時傳

別苑塵氛外靈池嶺翠旁有花皆向日無樹不招涼綵

縷千絲細蒲根九節香
天中開午運霽景正舒長

皇清文穎卷六十九

欽定四庫全書

皇清文頴卷七十

詩

五言律詩

甲辰仲春

上祀朝日壇恭紀

錢以塏

大采春光麗寅賓曙色鮮槐壇迎

御仗桂燎起祥烟帝典昭欽若王宮舉吉蠲曦輪新獻

瑞重珥紀堯年

恭謁

福陵

呂履恒

太祖龍升處巍巍近斗杓南天千岫拱中夜百靈朝廊
廡丹如昨松杉翠不彫仰瞻佳氣聚常在五雲標

石匣

劉巖

千巖磐石匣一綫宛蛇行出塞無多路防秋有舊城馬
依殘壘卧人入亂山耕猶聽斜陽外鳴鳴盡角鳴

古北口

劉巖

古戍勒兵屯千峯擁一門犬牙交塞口鳥道插城根寒
燠天分劃山川氣吐吞夕陽驅馬過烟滿磧沙痕

鞍子嶺

劉巖

天畔插山稜盤盤幾百層石危循磴歇峰峭撥雲登朔
吹旋崕瀑寒聲裂竇冰未曾鑄姓字孤負碧峻憎

黃土梁

劉巖

後嶺連前嶺天根倚石根峭峻熊耳旁穹洞虎牢門鳥

路穿雲過驟蹄踏霧昏中原回睇處寧獨華嵩尊

台拱卽事

呂耀曾

禹甸山河外遐甌隸版圖有苗皆向化無處不懽呼絕
域風雷動

皇仁雨露濡莫言台拱遠已見好規模

賦得帳殿鬱崔嵬應

制

阿克敦

野淨秋光裡雲開帳殿中雙旌搖晚照萬馬動西風烟

重山逾紫霜輕葉未紅時巡當歲稔

聖藻仰天工

哈密

阿克敦

最爾伊吾地西通路正賒衣冠別蒙古城市類中華引
水能知稼分畦善種瓜

聖朝深護惜村落有人家

使回伊里

阿克敦

絕域皇華使雙旌嶺外看廿年兵事息一詔遠人安虎

穴探非易巖關閉亦難

聖謀天意合歸路少春寒

東科爾寺

德齡

一統華夷盛三秋旌旆遙市城通古塞綏撫到天驕西
極烽烟息東科海霧消雍容持節客羞說霍嫫姚

大通河

德齡

山斷得平路搖鞭渡大通千峰晴入畫一水澹涵空孤
兔營深窟鷹鷂識順風慚無綏遠略觀獵賦徒工

渾水

德齡

塞水含泥濁源泉出石清波搖博望節岸撒亞夫營已
見洗兵甲還期潤偶耕降胡過萬帳烟火樂西成

渾源州

磁硤渾源神谿等八水合而渾流注桑乾

高斌

八水源泉渾河流日向東千峯雲嶺路一徑雁門通山
蓄元靈氣人涵太古風冀方沾德化

帝力頌無窮

讀書

高斌

山水林泉興春江花月吟細尋天下樂究竟讀書深朗
誦須危坐研精自惜陰還應手加額多謝古人心

乾隆三年

聖主躬耕藉田恭紀六首

熊暉吉

運啓三階泰時和萬國豐升馨親穡事無逸重田功天
膺陽辰合農祥土脉融勤民稱盛典忭舞盡呼嵩
祈年春首舉農祀更相仍報本崇司嗇陳辭命祝丞神
光紛烟烟閭闔蠹層層拒鬯惟馨遠精禋意已升

種桂儲先歲犁鉏出尚方作甘爰稼穡敦俗在耕桑柳
拂霓旌轉花迎羽蓋翔天田邀

駐輦野老亦承光

紺幄霏微裡瑤臺杳靄間桑麻通井邑雨露遍河山終
畝齊簑笠從耕列珮環真看入藻繪有喜動

宸顏

龍袞瞻雲近鵷班就日高豐亨由

帝力宵旰爲民勞嘉植駢珠穗良疇浸玉膏拜賜羣賀

瑞九奏叶仙璈

楓陛勤如此茅檐意若何
犁雲趣引犢耕雨急鳴蓑銅
雀徵祥早鯨魚紀瑞多
普天皆力穡大地暢年和

乾隆三年

聖主臨雍禮成恭紀八首

梁詩正

雲漢昭回日光華紉縵年

一人承大統

景運邁中天典學

君心切

臨雍

聖道宣儒林紛有喜忭舞荷陶甄

道德符

宣聖文章接

素王崇儒風愈古

視學典重光鳳輦橋門駐鸞旂璧水揚莘莘看彥士迎
拜辟靡旁

黃屋隆華構笙鏞入奏頻觀光增裔胄

釋奠及王春舞列威儀備尊疊濯漑新載稽三獻禮

天子特躬親

聖

聖心相契尊崇禮日躋宮牆伊古仰藻翰自

天題德表尼山峻光懸列宿齊祇今瞻謁次炳耀序東

西

禮備生徒集升堂

講幄開昕徵循舊典兩化被羣材性道探微旨欽明仰
睿才

一人崇聖學奎斗朗中台

鐘鼓三雍盛趨蹌庶尹多圓橋俱俊秀敷化叶菁莪

錫賚周衿佩

恩華被玉珂

聖朝文德洽倫叙奏熙和

共慶儒風暢從知士氣興典隆羣辟奉教立萬方承盛

與鴻都埒榮逾虎觀升育才誠本計

天府重賢登

自分循牆陋榮叨侍從行右文遭

聖代習禮紀虞庠統識源淵合

恩流芹藻香遂歌忻有願才乏愧長楊

乾隆四年

聖駕南苑大閱恭紀八首

汪由敦

千羽堯天洽車書禹迹同順時稽令典撰日整元戎七

德揚

神武三驅振古風不須刊石鼓

盛烈邁車攻

清蹕向長楊鳴鑣出建章九旗懸日月萬騎蹴冰霜
帳殿曜瑜暖旗門組練光驍騰健貌虎肅肅羽林郎

地是周靈囿城連漢上林華旃馳日馭紺宇佇天臨
沙路飛塵淨松臯積翠深

離宮時暫駐端不為從禽

甲帳拱中樞辰旗辨正隅玉鞭馳騾裏寶纛擁蜚弧令
舉吟龍角營開合虎符氣酣金鼓外雷動萬人呼

日角瞻

天表

親巡驃騎營秉旄森豹尾按轡儼龍行韎韐威容壯戈
鋌節制明六軍同抃躍挾纘此時情

周官司馬法風后握奇經迭進嫻師律環生變陣形千
行飛電紫萬道漲烟青却望高臺上森嚴衛百靈

六鈞神力勁一發耀

天威旋旆仍餘勇呼鷹更合圍采翎迎日麗錦翼傍雲
飛

恩賚叨蕃錫歡同奏凱歸

詰戎非耀武偃革誕敷文喜氣融成雪和風卷陣雲陽
回軒律正歌阜舜絃薰謨烈承

三后垂衣仰

聖君

聖駕南苑大閱恭紀二首

程盛修

南苑蒐苗地

三朝翠輦臨保邦原在德御衆不忘欽櫛沐開基遠綢繆屬望深雅歌傳

睿藻猶是紹庭心

帳殿中權肅

天威震疊時百年豐鎬澤萬隊虎貔師鉦鼓團精銳風雲聽指揮太平橐戢久仍見鄂褒奇

聖駕南苑大閱恭紀四首

宋楠

禁籞丹青迥

帷宮翠嶂開虹梁飛放泊仙島水雲隈豹尾千官集龍旗

萬乘來

至尊親講武初

幸晾鷹臺

七校羽林郎鳴鑣出建章風霆馳號令日月煥旂常陣

合軍容整師貞

廟算長泰符星象正弧矢注天狼

甲帳臨芳甸霓旌翊桂宮車徒司馬法干羽有虞風

睿藻光文德戎衣

念武功丕承揚大烈忭舞萬方同

閭闔和鑾入鈎陳肅隊還清霜乘北陸霽雪在南山太
液

恩波渥重門羽衛閒昆吾連

御苑回望五雲間

聖駕南苑大閱恭紀四首

鶴年

軒管迎陽日虞琴解愠年九圍聲教洽七德武功宣綵
仗龍遊轉華林虎旅騫

聖朝修古制萬騎赴平川

雲物開新霽

鑾輿指幔城奠敷三葉翠雪麗六花晴金鼓轟雷動旌
旗耀日明師中嚴號令氣象壯昇平

天子親教射騶虞應節詳期門咸踴躍羽衛各騰驤
龍虎千軍列風雲八陣張指揮雄畧遠盛事邁岐陽

國典蒐苗大

皇猷繼述隆選徒揚政令振旅被仁風雅韻

天葩發懽聲

聖澤融

鑾回齊虎拜震疊萬方同

聖駕南苑大閱恭紀六首

觀保

有嚴共武服無逸太平心

元化兼溫肅

神功冠古今禮頌修戰法樂奏凱歌音

南苑旌麾滿軍門

翠輦臨

宇內直寧謐多年頗牧閒

王師常不用兵法愈能媚虎豹三千士驂騑十二閑
營

親王趾行陣屹如山

咫尺近

天威紅雲映紫微星連君子鵠箭出

九重闡端冕臨牙纛垂裳易甲衣
嵩呼諸將列一一授
兵機

冬日如春日

君恩挾纈溫龍光千仗合虎拜萬雲屯
風勁笳聲壯星
明旆影翻歡騰營幕徹牧馬散平原

復

詔從田狩旌爲左右和網開三面濶禽落九霄多

駐驂麒麟苑前驅首宿坡遙瞻

宸翰灑朱雁被絃歌

洗兵呈瑞雪不獨報豐登允矣

文謨顯欽哉

武烈承明明珠斗見奕奕劍光騰舉動天人合千秋運

景興

皇清文頴卷七十